

## **Više informacija o IT Girls Mentorskom programu:**

Mentorstvo je jedna od najrasprostranjenijih inicijativa za podršku razvoju žena u IT sektoru u svijetu. Umrežavanje povećava osjećaj pripadnosti i stvara kolektivni identitet među članicama, poboljšava vidljivost članica i pomaže u uočavanju prilika za karijeru.

IT Girls Mentorski program usmjeren je na razvoj vještina i sposobnosti, osvještavanje potencijala mentica, umrežavanje, osnaživanje, te pružanje prilika za profesionalni razvoj i kreiranje planova za budućnost.

Nakon veoma uspješnog pilot mentorskog programa, IT Girls inicijativa koju implementiraju tri UN agencije, UN Women, UNICEF i UNDP, uz podršku Švedske, realizira drugi ciklus IT Girls Mentorskog programa za žene i djevojke u IT-u širom Bosne i Hercegovine.

Drugi ciklus IT Girls Mentorskog programa će trajati 9 sedmica u periodu od polovine septembra do kraja novembra 2021. godine.

Ciljna skupina su mentica koje su studentice IT i srodnih studija u BiH i mentorice koje imaju minimalno dvije godine profesionalnog iskustva u IT kompanijama, srodnom biznisu ili instituciji.

Kroz mentorstvo dugoročno želimo kreirati prostor i zajednicu za umrežavanje za žene, djevojke i djevojčice u IT industriji u BiH, koje spremno i aktivno dijele znanje, vještine, iskustva i ideje.

IT Girls Mentorski program sadrži:

- Definiranje očekivanja, ciljeva, vještina i oblasti za razvoj;
- Interaktivnu online radionicu o ulozi mentorstva, upravljanju očekivanjima, postavljanju ciljeva, održavanju i razvoju mentorskog odnosa, zatvaranju mentorstva i praćenju;
- Minimalno 8 mentorskih sesija u parovima tokom 62 dana u period od 22. septembra do 23. novembra 2021. godine;
- Evaluaciju;
- Zajedničku proslavu završetka mentorskog ciklusa kroz timski događaj organiziran za sve učesnice programa .

Tokom trajanja mentorskog ciklusa, mentorice i mentice imat će pristup podršci savjetnice za mentorstvo kako bismo podržali odgovarajuće i kompatibilne mentorske parove, obezbijedili pristup resursima i savjetima, te osnažili osjećaj pripadnosti IT Girls Mentorship mreži.

Za sva dodatna pitanja i informacije vezane za naš mentorski program, možete nas kontaktirati putem [info@itgirls.ba](mailto:info@itgirls.ba) .